

Na osnovu člana 2, 12. i 33. Etičkog kodeksa Univerziteta u Sarajevu, broj: 01-38-1969-1/12 od 27. 6. 2012. godine, Odluke o izmjenama i dopunama Etičkog kodeksa Univerziteta u Sarajevu, broj: 01-14-192/21 od 29. 9. 2021. godine, Poslovnika o radu Etičkog odbora Filozofskog fakulteta od 5. 7. 2018. godine, Zahtjeva Dekana Fakulteta, broj: 01-03-010/5 od 3. 11. 2022. godine, koji se odnosi na davanje mišljenja (zahtjev radnice [REDACTED]), Etički odbor Univerziteta u Sarajevu – Filozofskog fakulteta na 2. redovnom sastanku, održanom 5. 12. 2022. godine, *donio je*

## MIŠLJENJE

### I

Komunikacija radnika [REDACTED], prema radnici [REDACTED] na temelju predočene dokumentacije putem e-maila, okarakterisana je kao neprihvatljiva i uznemiravajuća, a prema članu 12. Etičkog kodeksa Univerziteta u Sarajevu, takvo ponašanje je zabranjeno.

### II

U skladu sa članom 2. tačka (3) Etičkog kodeksa Univerziteta u Sarajevu, postupci propisani Kodeksom ne uređuju prava, obaveze i odgovornosti osoba koje u njima sudjeluju, te ne predstavljaju supstitut za građanske, krivične, upravne i disciplinske postupke uređene zakonima, drugim propisima i aktima Univerziteta i njegovih članica.

### III

Etički odbor Univerziteta u Sarajevu – Filozofskog fakulteta smatra da sve dalje nesuglasice i sukobe osoba iz stava I ovog mišljenja trebaju rješavati nadležne institucije.

### Obrazloženje

U skladu sa podnesenim Zahtjevom od strane radnice [REDACTED] u kojem se navodi uznemiravanje (dokumentacija priložera uz Zahtjev sa opisom komunikacije), Etički odbor Univerziteta u Sarajevu – Filozofskog fakulteta na 1. redovnom sastanku održanom 9. 11. 2022. godine razmatrao je podnesen Zahtjev sa pratećom dokumentacijom, te je zatražio očitovanje radnika [REDACTED] protiv kojeg je podnesena prijava, kao i očitovanje šefice [REDACTED], kao prve nadređene u službi, u roku dostave od 8 dana od dana primitka Zaključka Etičkog odbora od 9. 11. 2022. godine.

Nakon dostavljenih očitovanja, Etički odbor na 2. redovnom sastanku održanom 5. 12. 2022. godine, nakon detaljnog uvida u dostavljena očitovanja, *jednoglasno je zauzeo stav da se radnik [REDACTED] upozori na odredbe člana 12. Etičkog kodeksa, a sve u cilju prestanka uznemiravanja radnice [REDACTED]*

Članovi Etičkog odbora su se usaglasili da ponašanje radnika [REDACTED], opisano u Zahtjevu radnice [REDACTED], nije u skladu sa Etičkim kodeksom. Etičko ponašanje i poštivanje moralnih i etičkih načela je od velikog značaja za cjelokupnu akademsku zajednicu, odnosno za Fakultet. To se ogleda i kroz ponašanje članova administrativnog osoblja i prvenstveno se odnosi kako na ophođenje radnikâ jednih prema drugima, tako i na njihovu međusobnu komunikaciju, a posebno na odvijanje svih procesa rada na Fakultetu.

Etički odbor Univerziteta u Sarajevu – Filozofskog Fakulteta osuđuje ovakvo ponašanje i karakteriše ga neprihvatljivim i neetičnim načinom komunikacije preko službenih e-mailova u okviru radnog vremena, kojim se generalno negativno utiče na i ometa odvijanje redovnih procesa rada, kvari radna atmosfera i kolegijalni odnosi između radnika.

U pogledu Zahtjeva radnice [REDACTED] ovakvo ponašanje vrijeđa njeno lično dostojanstvo po subjektivnom shvatanju, budući da se ne radi o jednokratnoj pojavi. Nakon što su članovi Etičkog odbora

Univerziteta u Sarajevu – Filozofskog fakulteta detaljno pregledali svu pristiglu dokumentaciju, skreću pažnju na odredbe člana 12. Etičkog kodeksa i potiču radnika [REDACTED] da poštuje temeljna etička načela sadržana u Etičkom kodeksu, a sve u cilju nesmetanih odvijanja radnih procesa i kolegijalnih odnosa.

Cijeneći sve naprijed navedeno Etički odbor, uzimajući u obzir dostavljena očitovanja, kao i stav članova Odbora, donio je mišljenje kao u dispozitivu.

U skladu sa članom 33. Etičkog kodeksa Univerziteta u Sarajevu, mišljenje će biti objavljeno u skraćenom obliku, bez navođenja ličnih podataka, na web stranici Fakulteta.

1. Prof. dr. Selma Đulijan, predsjednica Etičkog odbora,
2. Prof. dr. Mirza Sazajkić, član,
3. Prof. dr. Mirza Medžanija, član,
4. Prof. dr. Haris Dervišević, član,
5. Doc. dr. Sandra Bjelan, članica.

UNIVERZITET U SARAJEVU  
FILOZOFSKI FAKULTET